



28. Oktober. 2018

UKA 2018/156

Atassut

Aqqaluk Heilmann

2020-imit aallartittumik 2020-imut aningaasanut inatsit aqqutigalugu ukiuni sisamani misiligutaasumik ukiumut 4 mio. kr-it angullugit salliutitsilluni, ulloq 1. januar 2020 aallarnerfigalugu meeqqanut inuussuttunullu sumiginnagaasunut ornigullutik pinaveersaartitsinermik suliaqartussanik ”Unnuarissatut” taagorneqartunik isumassuisartunik illoqarfinni Nuummi, Tasiilami, Sisimiuni, Aasianni Qaqortumilu sisamangornermit nal. unnukkut arfineq pingasunit sapaammi ullaakkut arfineq pingasut tungaanut aqqusinerni angalaartartussanik pilersitsinissaq pillugu Naalakkersuisut peqquneqarnissaannut Inatsisartuni aalajangiiffigisassatut siunnersuut.

(Inatsisartuni ilaasortaq Peter Olsen, Inuit Ataqtigiit)

Siullermik qujavugut Inuit Ataqtigiinnit Peter Olsen-ip siunnersuutaanut

Atassummiit oqaatigissavarput siunnersuutip tunngavia ersarissumik paasigatsigu meeqqat unnuaasumi sumi tamaani angallattarnerat pillugu ikiorsiisinnaanermik siunnerfeqartumik iliuuseqarusukkavit.

Massakut iliuuseqarfigineqarniarlutik Naalakkersuisoq iliuuseqarluni suliaqarpoq, tamanna Isumaginninnermut Inatsisinillu Atuutsitsinermut Naalakkersuisup akissutaani nassuiarneqarluni.

Meeqqat utoqaallu aammalu innorlutillit innarluuteqartullu pineqartillugit iliuusererusutagut pitsaanerpaaffianut tamatta inissikkusuttarpagut.

Suliassamut attuumassuteqarsinnaasunik nalilersuisoqartariaqassappat suliamik kivitseqataasinnaasut atorlæuarneqarnissaat siullertut innersuussutigerusunnarpoq.

Soorlu meeqqat illersuisuat, Kommune-llu pisussaaffiisa iluini suliaqartuusut kiisalu ornittakkanik peqartoqartuni taakkua atorlæuarneqarsinnaaneri ilanngullugit nalilersorneqarsinnaasariaqarput.

Meeqqat angerlarusunnatik unnuami aqqusinermi angallattartut qasuersaarfissaqarsinnaanerat, saaffissaqarsinnaanerallu nalilersorneqassappat isumaqarpugut kommune-t suleqatigineqartariaqartut.



Tamannalu suli anguneqarsimangippat, pisariaqartinneqarlunilu taava eqqartuisoqartariaqarpoq iliuusissatut siullertut pisariaqartitaq iliuseqarfigineqarnissaa nalilersorneqarluni.

Massakkut suliat ingerlasuni piffissaq sivisooq atorneqassagaluarpat, tamanna meeqqamut eqqarsataatsikkut peqqinnangitsumik kinguneqarsinnaanera ilanngullugu eqqumaffigisariaqarparput tamatta qinikkatut sullissisuusugut.

Ajornartorsiutilli aallaavia suliassaavoq, taamaammat ilaqutariinnut katsorsaasarnermik iliuseqarnissaq pinaveersaartitsillunilu qaammarsaajuarnissat ukkatarisariaqarput pingaartumik illoqarfinni ajornartorsiorfiusuni.

Atassummiit isumaqarpugut meeqqat illersuisuat MIO suleqatigineqarluartariaqartoq, taassuma meeqqat pisinnaatitaaffii pillugit suliaqarnermi saniatigut meeqqanik illersuisinnaaneq qiteralugu iliuseqarsinnaanera tapersorneqarsinnaasariaqarpoq.

Ilanngullugit commune-ni inunnik isumaginninnerup iluani nunaqarfinni illoqarfinnilu atugassarititaasut tunngavigalugit taakkua pisariaqartitsillutik oqariartuutigisinnaasaat eqqumaffigisariaqarpagut.

Siunnersuut ataatsimiititaliamut ingerlateqqitassanngorlugu innersuussutigaarput.